

七十二家集

陳記室集小引

陳孔璋為袁氏草檄詆孟德  
不直一錢及為荀令檄吳將  
校却盛稱曹氏功德大率才  
人處亂世如好鳥投枝美蔭  
芳蕤於馬拭翮鄰園對峙固

裏足而若染青華旋竭又掉  
尾而他歸風起雲飛殆其常  
態觀琳自致辭曰犬吠非其主悽  
惋可念魏祖之收之也正亦謂今  
為我妻則欲其詈人耳武軍賦  
盛為葛洪所推許惜今所傳

竟非完製乃子建又謂孔璋  
不閑詞賦至方之畫虎類狗  
並時諸公嚴於持論雖其親  
暱不輕假借類如此然以孔璋  
才詳而能整辨而有章真建  
安藝林之高幟而當塗法從

之先鞭也

旃蒙赤奮若中秋月紹和  
張燮識于黃華山麓

陳記室集目錄

卷之一

賦

武軍賦

又

又

神武賦

有序

止欲賦

神女賦

大暑賦

瑤勒賦

有序

侯記室集

目錄

迷迭賦

柳賦

鸚鵡賦

樂府

飲馬長城窟行

詩

遊覽二首

宴會

上書

爲袁紹上漢帝書

書

爲袁紹與公孫瓚書

更公孫瓚與子書

爲曹洪與世子書

答張紘書

卷之二

牋

答東阿王牋



檄

爲袁紹檄豫州文

檄吳將校部曲文

版文

爲袁紹拜烏丸三王爲單于版文

設難

應譏

附錄

建安諸子陳琳傳畧 明唐順之

報陳琳書

漢臧洪

與陳琳書

魏陳王植

過陳琳墓

唐溫庭筠

集評

森其若林牙旗翻以如繪

又

南轅反旆爰振其旅胡馬駢足戎車齊軌

神武賦

有片

建安十有二年大司空武平侯曹公東征烏丸  
六軍破介雲輜萬乘治兵易水次於北平可謂  
神武奕奕有征無戰者已

佇盤桓以淹次乃申命而後征覲狄民之故土  
追大晉之遐蹤惡先穀之懲寇善魏絳之饒戎  
受金石而弗伐蓋禮樂而思終陵九城而上濟  
起齊軌乎玉繩車軒轅於雷室騎浮厲乎雲宮  
暉曜連乎白日旂旐繼於電光旆旣軼乎白狼

殿未出乎盧龍威凌天地勢括十衝單鼓未伐  
虜已潰崩克俊馘首梟其魁雄爾乃總輯環珍  
茵遶幕幄攘瓊帶佩不飾雕琢華璫玉璫金麟  
牙琢文貝紫瑛縹碧玄綠黼錦纈組剡駝皮服

止欲賦

媛哉逸女在余東濱色曜春華豔過碩人乃遂  
古其寡儔固當世之無鄰允宜國而寧家實君  
子之攸嬾伊余情之是耽志荒淫而傾移宵炯  
炯以不寐晝舍食而忘饑歎北風之好我美携  
手之同歸忽日月之徐邁庶枯楊之生梯道攸  
長而路阻河廣淺而無梁雖企予而欲往非一  
韋之可航展余轡以言歸含惜瘁而就牀忽假  
暝其若寐夢所懼之來征翬翩翩以遙懷若交

好而通靈

神女賦

漢三十七之建安荆野蠶繭作絲桑土繭以南假  
濟漢川之清流感詩人之微歎感神女之來遊  
儀鸞寢於夢帟託嘉夢以通精望陽侯而滉漭  
視玄麗之軼靈文絳蚪之喪爽鳴玉鸞之嚶嚶  
答玉質於茗華擬豔姿於薜榮感仲春之和節  
歎鳴鴈之噰噰申握椒以貽予請同宴乎粵房  
苟好樂之嘉合永絕世而獨昌旣歎爾以豔采  
又悅我之長期順乾坤以成性夫何若而有辭



大雅賦

土潤溽以歔蒸時沸忍以潤溫風變其形形營  
炎火之陶燭

瑪瑙勒賦

五官將得瑪瑙以爲寶勒美其莫綵之光豔也  
使學賦之

託指漢之寶岸臨赤水之朱波爾乃他山爲錯  
荆和爲埋制爲寶勒以御君子

北堂書訓寫魏  
文藝語爲琳作

今勝御  
覽正之

迷迭賦

直碧蓮之娜刻舒綵條之蜿蜒下扶疎以布濩  
上綺錯而交紛匪荀方之可樂寔來儀之鹿闌  
動容飾而發微穆斐斐以承顏

析賦

偉次逸態英豔妙奇緣條縹緲葉舞還繼麗龍鱗  
鳳翼綺錯交施蔚晞雲其杳藹象翠蓋之葳蕤

陳記室集

卷一

八

三

鸚鵡賦

登乾坤之兆物萬品錯而殊形有逸姿之令鳥  
含嘉淑之哀聲抱振鷺之素質被翠羽之縹緗  
亦又有大荒賦曰假龜筮以貞吉問神諭以休祥

樂府

飲馬長城窟行

飲馬長城窟水寒傷馬骨  
往謂長城吏慎莫稽  
留太原卒官作自有程  
舉築諳汝聲男兒寧當  
格鬪死何能怫鬱築長城  
長城何連連連連三  
千里邊城多健少內舍  
多寡婦作書與內舍便  
嫁莫留任善侍新姑嫜  
時時念我故夫子報書  
往邊地君今出語一何  
鄙身在甌難中何爲稽  
留他家子生男慎莫舉  
生女哺用脯君獨不見

陳記室集

卷一

九

三百六

長城下死人骸骨相撐拄結髮行事君慊慊心  
意關明知邊地苦賤妾何能久自全

詩

遊覽二首

高會時不娛羈客難爲心殷懷從中發悲感激  
河音投觴罷歡坐逍遙步長林蕭蕭山谷風默  
默天路陰惆悵忘旋反歔歔涕沾襟

節運時氣舒秋風涼且清閑居心不娛駕言從  
友生翱翔戲長流逍遙登高城東望看疇野廻  
顧覽園庭嘉木凋綠葉芳草纖紅榮騁哉日月  
逝年命將西傾建功不及時鐘鼎何所銘收念



還房寢慷慨詠墳經庶幾及君在立德垂功名  
宴會

凱風飄陰雲白日揚素驪良友招我遊高會宴  
中關玄鶴浮青泉綺樹煥青藜

上書

爲袁紹上漢帝書

臣聞昔有哀歎而霜墜悲哭而雪墜崩者每讀其書則爲之然於今况之乃知妾作何者臣出身爲國破家立事至於懷患獲譽抱信見疑晝夜長吟剖肝泣血曾無前城隍霜之應故鄉衍杞婦何能感徹臣以負薪之資拔於陪隸之中奉職憲臺擢授戎校常侍張讓等滔亂天常侵奪朝威賊害忠德扇動姦黨故大將軍何進思國

疾亂義心赫怒以臣頗有一介之節可責以鷹  
犬之功故授臣以督司諸臣以方畧臣不敢畏  
憚強禦避禍求福與進合圖事無違異忠策未  
盡而元帥受敗太后被質宮室焚燒陛下聖德  
幼冲親遭危困時進既被害師徒喪沮臣獨將  
家兵百餘人抽戈承明竦劍翼室虎叱羣司奮  
擊凶醜曾不挾辰罪人斯殄此誠愚臣效命之  
一驗也會董卓乘機所圖不軌臣父兄親從竝  
當大位不憚一室之禍苟惟寧國之義故遂解

節出奔劉謀河外時卓方貪結外援詭悅英豪  
故卽臣渤海中以軍號則臣之與卓未有繼奔  
之嫌若使苟欲滑泥揚波偷榮求利則進可以  
享竊祿位退無門戶之患然臣愚所守志無傾  
奪故遂引會英雄興師百萬飲馬孟津歃血漳  
河會故冀州牧韓馥懷挾逆謀欲專權執絕臣  
軍糧不得踵係至使猾虜肆毒害及一門尊卑  
大小同日并戮鳥獸之情猶知號呼臣所以蕩  
然忘哀貌無隱戚者誠以忠臣之節道不兩立

顧私懷已不能全功斯亦愚臣破家殉國之二  
驗也又黃巾十萬焚燒青兗黑山張楊踣藉異  
域臣乃旋師奉辭伐畔金鼓未震復讎知亡故  
韓馥懷懼謝咎歸土張楊黑山同時乞降臣時  
輒承制竊比竇融以議郎曹操權領兗州牧會  
公孫瓚師旅南馳陸掠北境臣卽星駕帝卷與  
瓚交鋒假天之威每戰輒克臣備公族子弟生  
長京輦頗聞俎豆不習干戈加自乃祖先臣以  
來世作輔弼咸以文德謐患得免罪戾臣非與

贊角戎馬之執爭戰陣之功者也誠以賊臣不  
誅春秋所貶荀云利國專之不足疑彼冒踐霜雪  
不憚劬勤實庶一捷之福以立終身之功社稷  
未定臣誠耻之太僕趙岐命來征宣明陛下  
含弘之施蠲除細故與下更新奉詔之日引師  
南轅是臣畏怖天威不敢怠慢之三驗也又臣  
所上將校率皆清英宿德令名顯達登鋒履刃  
死者過半勤恪之功不見書列而州郡牧守競  
盜聲名懷持二端優游顧望皆列土錫圭跨州

連郡是以遠近狐疑議論紛錯者也臣聞守文  
之世德高者位尊舍卒之時功多者賞厚陛下  
播越非所洛邑之祀海內傷心志士憤惋是以  
忠臣肝腦塗地肌膚橫分而無悔心者義之所  
感故也今賞加無勞以攜有德杜黜忠功以疑  
衆望斯豈腹心之遠圖將乃讒慝之邪說使之  
然也臣爵爲通侯位二千石殊恩厚德臣旣叨  
之豈敢闕覬重禮以希彤弓旅矢之命哉誠傷  
偏裨列校勤不見紀盡忠爲國翻成重愆斯蒙

恬所以悲號於邊獄白起歔歔於杜郵也太傅  
曰礪位爲帥保任配東征而耗亂王命寵任非  
所凡所舉用皆衆所捐棄而密繕其策以爲謀  
主令臣骨肉兄弟還爲讐敵交鋒接刃構難滋  
甚臣雖欲釋甲投戈事不得已誠恐陛下日月  
之明有所不照四聰之聽有所不聞乞下臣章  
咨之羣賢使三槐九棘議臣罪戾若以臣今行  
權爲嬰則桓文當有誅絕之刑若以衆不討賊  
爲賢則趙盾可無書弑之貶矣臣雖小人志守



一介若使得申明本心不愧先帝則伏首歐刀  
褰衣就鏹臣之願也惟陛下垂戶鳩之平絕邪  
諂之論毋令愚臣結恨三泉

書

爲袁紹與公孫瓚書

孤與足下既有前盟舊要申之以討亂之誓愛  
過夷叔分著丹青謂爲旅力同仇足踵齊晉故  
解印釋綬以北帶南分割膏腴以奉執事此非  
孤赤情之明驗邪豈寤足下棄烈士之高義尋  
禍亡之險蹤輒而改慮以好易怨盜遣士馬犯  
暴豫州始聞甲卒在南親臨戰陣懼於飛矢迸  
流狂刃橫集以重足下之禍徒增孤子之咎矧

也故爲薦書懇惻冀可改悔而是下逸然自逸  
矜其威詐謂天罔可吞豪雄可滅果令貴第殞  
於鋒刃之端斯言猶在於耳而足下曾不尋討  
禍源克心罪已苟欲逞其無彊之怒不顧逆順  
之津匿怨害民騁於余躬遂躍馬控弦處我疆  
土每徧生民事延白骨孤靡不獲已以登界橋  
之役是時足下兵氣震震駿馬電發僕師徒靡  
合機械不嚴彊弱殊科衆寡異論假天之助小  
戰大克遂陵躡奔背因壘館穀此非天威集謀

廟豐有禮之符表乎足下志猶未厭乃復糾合  
餘燼率我蟬賊以焚蕤渤海孤又不獲寧厝及  
龍河之師羸兵前誘大軍奉遷而足下膽破衆  
散不鼓而敗兵衆擾亂君臣並奔此又足下之  
爲非孤之咎也自此以後禍隙彌深孤之師旅  
不勝其忿遂至積尸爲京頭顱滿野愍彼無辜  
未嘗不慨然失涕也後比得足下書辭意婉約  
有改往脩來之言僕旣欣於舊好克復且愍兆  
民之不寧每輒引師南駕以順簡書弗盈一時

而北邊弱檄之文未嘗不至孤是用痛心疾首  
靡所錯情夫處三軍之帥當列將之任宜令怒  
如嚴霜喜如時雨臧否好惡坦然可觀而足下  
二三其德彊弱易謀急則曲躬緩則放逸行無  
定端言無實要爲壯士者固若此乎旣乃殘殺  
老弱幽土憤怨衆叛親離孑然無黨又烏足滅  
貊皆與足下同州僕與之殊俗各奮迅激怒爭  
爲鋒銳又東西鮮卑舉踵來附此非孤德所能  
招乃足下驅而致之也夫當荒危之世取干戈

之險內違同盟之誓外失弑之心兵興州壤  
禍發蕭牆將以定霸不亦難乎前以西山陸梁  
出兵平討會翹義餘殘畏跡逃命故遂任大軍  
分兵撲蕩此兵孤之前行厚界橋寨旗拔壘先  
登制敵者也始聞足下鐫金紆紫命以元帥謂  
當因茲奮發以報孟明之耻是故戰夫引領竦  
望旌旆恠遂含光匿影寂爾無聞卒臻屠滅相  
爲惜之夫有平天下之怒希長世之功權御師  
徒帶養戎馬叛者無討服者不收威懷竝喪何

以立名今舊京克復天罔云補罪人斯亡忠幹  
翼化華夏儼然望於穆之作將戢干戈放散牛  
馬足下獨何守區區之土保單內之廣耳惡名  
以速朽亡令德之久長壯而籌之非良策也宜  
釋憾除嫌敦我舊好若斯言之玷皇天是聞

更公孫瓚與子書

瓚夢孫策將敗於公孫瓚與子書  
讀書習讀張者得之使使使使與子  
其書

蓋聞在昔衰周之世僇尸流血爲不然豈意  
今日身當其衝袁氏之攻似若神鬼鼓角鳴於  
地中梯衝舞吾樓上日窮月蹶無所聊賴汝當  
碎首於張燕速致輕騎到者當起烽火於北吾  
當從內出不然吾亡之後天下雖廣汝欲求安  
足之地其可得乎



爲曹洪與世子書

十一月五日洪白前初破賊情侈意奢說事頗  
過其實得九月二十日書讀之喜咲把翫無厭  
亦欲令陳琳作報琳頃多事不能得爲念欲遠  
以爲懼故自竭老夫之思辭多不可一二粗舉  
大綱以當談笑漢中地形實有險固四獄三塗  
者不及也彼有精甲數萬臨高守要一夫揮戟  
萬人不得進而我軍過之若駭鯨之決細網奔  
兕之觸魯縞未足以喻其易雖云王者之師有

征無戰不義而彊古人常有故唐虞之世蠻夷  
猾夏周宣之盛亦讐大邦詩書歎載言其難也  
斯皆憑阻恃遠故使其然是以察茲地勢謂爲  
中材處之殆難倉卒來命陳彼妖惑之罪序王  
師曠蕩之德豈不信然是夏殷所以喪苗扈所  
以斃我之所以克彼之所以敗也不然商周何  
以不敵哉昔鬼方孽昧崇虎讒凶殷辛暴虐三  
者皆下科也然高宗有三年之征文王有遏脩  
之軍盟津有卅駕之役然後殪戎勝殷有此武

功焉未有星流景集颺奮靈擊長驅山河朝至  
暮捷若今者也由此觀之彼國不遠下愚則中  
才之守不然明矣在中才則謂不然而來示乃  
以爲彼之惡稔雖有孫田墨黷猶無所救竊又  
疑焉何者古之用兵敵國雖亂尚有賢人則不  
伐也是故三仁未去武王還師宮奇在虜晉不  
加戎季梁猶在彊楚挫謀禦至衆賢奔紂三國  
爲墟明其無道有人猶可救也且夫墨子之守  
縈帶爲垣高不可登折箸爲械堅不可入若乃

距陽平據石門據八陣之列騁奔牛之權焉昔  
土崩魚爛哉設令守無巧拙皆可攀附則公輸  
已陵宋城樂毅已拔卽墨矣墨翟之術何稱田  
單之智何貴老夫不敏未之前聞蓋聞過高唐  
者效王豹之謳游淮渙者學藻續之綵閒自入  
益部仰司馬揚王之遺風有子勝斐然之志故  
頗奮文辭異於他日恠乃輕其家丘謂爲倩人  
是何言歟夫騶驥垂耳於坵牧鴻雀戢翼於汗  
池褻之者固以爲園囿之凡鳥外廐之下乘也

及其整蘭筋揮勁副陵厲清浮顧眄千里豈可  
謂其借翰於晨風假足於六駮哉恐猶未信直  
言必大噓也洪曰文帝序日上平定漢中族父  
都護還書與余盛稱彼方土  
隨形勢觀其辭如  
傳其所叙爲也

答張紘書

紘見榆榴悅愛其文五言詩賦時琳在北  
見之以示人曰此吾知張子綱所作也  
後紘見琳作武軍賦與琳論  
與琳書深歎美之琳乃答

自僕在河北與天下隔此間率少於文章易爲  
雄伯故使僕受此過差之譚非其實也今景興  
在此足下與子布在彼所謂小巫見大巫神氣  
盡矣

陳記室集卷之二

魏廣陵陳琳孔璋著

明閩漳張爨紹和纂

牋

答東阿王牋

琳死罪死罪昨加恩辱命并示龜賦披覽粲然  
君侯體高俗之材秉青萍干將之器拂鐘無聲  
應機立斷此乃天然異稟非鑽仰者所庶幾也  
音義既遠清辭妙句焱絕煥炳譬猶飛兔流星

越山越海龍驤所不敢追况於駑馬可得齊足  
哉大聽白雪之音觀綠水之節然後東野巴人  
蚩鄙益著載歡載笑欲罷不能謹韜櫜玩耽以  
爲吟頌琳死罪死罪



檄

爲袁紹檄豫州文

左將軍領豫州刺史郡國相守蓋聞明主圖危  
以制變忠臣慮難以立權是以有非常之人然  
後有非常之事有非常之事然後能立非常之  
功夫非常者固非常人所擬也曩者彊秦弱主  
趙高執柄專制朝權威福由已時人迫脅莫敢  
正言終有望夷之敗祖宗焚滅汚辱至今永爲  
世鑒及臻呂后季年產祿專政內兼二軍外統

梁趙胤斷萬機決事省禁下陵上替海內寒心  
於是絳侯朱虛興兵奮怒誅夷逆恭尊立太宗  
故能道化興隆光明顯融此則大臣立權之明  
表也司空曹操祖父中常侍騰與左悺徐璜竝  
并妖孽饗養放橫傷化虐民父嵩乞匄携養因  
貶假位與金輦璧輪貨權門竊盜鼎司傾覆重  
器操贅闕遺醜本無懿德標狡鋒協好亂樂禍  
幕府董統鷹揚掃除凶逆續遇董卓侵官暴國  
於是提劍揮鼓發命東夏收羅英雄棄瑕取用

故遂與操同諮合謀授以裨師謂其鷹犬之才  
爪牙可任至乃愚佻短畧輕進易退傷克折斷  
數喪師徒幕府輒復分兵命銳脩完補輯表行  
東馳領兗州刺史被以虎文獎蹶威柄冀獲秦  
師一尅之報而操遂乘資跋扈肆行凶忒剗剥  
元元殘賢害善故九江太守邊讓英才俊偉天  
下知名直言正色論不阿諂身首被梟懸之誅  
妻孥受灰滅之咎白是士林憤痛民怨彌重一  
夫奮臂舉州同聲故躬破於徐方地奪於呂布

彷徨東裔踰據無所幕府推彊幹弱枝之義且不登叛人之黨故復援旌擐甲席卷赴征金鼓響震布衆奔沮拯其死亡之患復其方伯之位則幕府無德於充土之民而有大造于操也後會驚駕反旆羣虜寇攻時冀州方有北鄙之警匪遑離局故使從事中郎徐勣就發遣操使繕脩郊廟翊衛幼主操便放志專行脅遷當御省禁卑侮王室敗法亂紀坐領三臺專制朝政爵賞由心刑戮在口所愛光五宗所惡滅三族

談者受顯誅腹議者蒙隱戮百寮鉗口道路以  
目尚書紀朝會公卿充員品而已故太尉楊彪  
典歷二司享國極位操因緣毗睚被以非罪榜  
楚參并五毒備至觸情任忒不顧憲綱又議郎  
趙彥忠諫直言義有可納是以聖朝含聽改容  
加錫操欲迷奪明時杜絕言路擅收立殺不俟  
報聞又梁孝王先帝母昆墳陵尊顯桑梓松柏  
猶宜肅恭而操帥將校吏士親臨發掘破棺裸  
尸掠取金寶至令聖朝流涕士民傷懷操又特

置發丘中郎將摸金校尉所過墮突無骸不露  
身處三公之位而行桀虜之態汙國虐民毒施  
人鬼加其細政慘苛科防互設縉緞充蹊坑穽  
塞路舉手挂網羅動足觸機陷是以充豫有無  
聊之民帝都有吁嗟之怨歷觀載籍無道之臣  
貪殘酷烈於操爲甚幕府方詰外姦未及整訓  
加緒含容冀可彌縫而操豺狼野心潛包禍謀  
乃欲摧撓棟梁孤弱漢室除滅忠正專爲梟雄  
往者伐鼓北征公孫瓚彊寇桀逆拒圍一年操

因其未破陰交書命外助王師內相掩襲故引  
兵造河方舟北濟會其行人發露噴亦梟夷故  
使鋒芒挫縮厥圖不果爾乃大軍過蕩西山屠  
各左校皆束首奉質爭爲前登犬羊殘醜消淪  
山谷於是操師震懼晨夜逋遁屯據敖倉阻河  
爲固欲以螳螂之斧禦隆車之隧幕府奉漢威  
靈折衝宇宙長戟百萬胡騎千羣奮中黃育獲  
之士騁良弓勁弩之勢并州越太行青州涉濟  
滌大軍汎黃河而角其前荊州下宛葉而掎其

後雷震虎步並集虜庭若舉炎火以赫飛蓬覆  
滄海以沃燐炭有何不滅者哉又操軍更士其  
可戰者皆自幽冀或故營部曲或怨曠思歸流  
涕北顧其餘兗豫之民及呂布張揚之遺衆覆  
亡迫脅權時苟從各被剝夷人爲讐敵若廻旆  
方徂登高岡而擊鼓吹揚素揮以啓降路必土  
崩瓦解不俟血刃方今漢室陵遲綱維弛絕聖  
朝無一介之輔股肱無折衝之勢方畿之內簡  
練之臣皆垂頭搨翼莫所憑恃雖有忠義之佐



脅於暴虐之臣焉能展其節又操持部曲精兵  
七百圍守宮闕外託宿衛內實拘執懼其篡逆  
之萌因斯而作此乃忠臣肝腦塗地之秋烈士  
立功之會可不勗哉操又矯命稱制遣使發兵  
恐邊遠州郡過聽而給與彊寇弱主違衆叛  
舉以喪名爲天下笑則明哲不取也卽日幽并  
青冀四州竝進書到荊州便勒見兵與建忠將  
軍協同聲勢州郡各整戎馬羅落境界舉師揚  
威竝匡社稷則非常之功於是乎著其得操首

者封五千戶侯賞錢五十萬部曲偏裨將校諸  
吏降者勿有所問廣宣恩信班楊符賞布告天  
下咸使知聖朝有拘備之難如律令

徵吳將校部曲文

年月朔子尚書令璆告江東諸將校部曲及孫  
權宗親中外蓋聞禍福無門惟人所召夫見幾  
而作不處凶危上聖之明也臨事訓變困而能  
通智者之慮也漸漬荒沈往而不返愚者之蔽  
也是以大雅君子居安思危以遠咎悔小人臨  
禍懷佚以待死亡二者之量不亦殊乎孫權小  
子未辨菽麥要領不足以膏齊斧名字不足以  
濟簡墨譬猶敲卵始生翰毛而便陸梁放肆願

行吠主謂爲舟楫足以距皇威江湖可以逃靈  
誅不知天網設張以在綱目燬鏐之魚期於涓  
爛也若使水而可恃則洞庭無三苗之墟子陽  
無荆門之敗朝鮮之壘不刊南越之旌不拔昔  
夫差承闔閭之遠跡用申胥之訓興棲越會稽  
可謂彊矣及其抗衡上國與晉爭長都賊屠於  
勾踐武卒散於黃池終於覆滅身罄越軍及吳  
王濞驕恣屈彊猖獗始亂自以兵強國富勢峻  
京城太尉帥師甫下滎陽則七國之軍瓦解冰

浮游之罵言未絕於口而丹徒之舟以陷其胸  
何則天威不可當而悖逆之罪重也且江湖之  
衆不可恃也自董卓作亂以迄於今將三十載  
其間豪傑縱橫熊據虎踞彊如二袁勇如呂布  
跨州連郡有威有名十有餘輩其餘鋒捍特起  
鸚視狼顧爭爲梟雄者不可勝數然皆伏鈇嬰  
鉞首腰分離雲散原燎罔有孑遺近者關中諸  
將復相合聚續爲叛亂阻二華據河渭驅率羌  
胡齊鋒東向氣高志遠似若無敵丞相秉鉞鷹

揚順風烈火元戎啓行未鼓而破伏尸千萬流血漂櫓此皆天下所共知也是後大軍所以臨江而不濟者以韓約馬超連逸逆脫走還涼州復欲鳴吠逆賊宋建僭號河首同惡相收竝爲唇齒又鎮南將軍張魯負固不恭皆我王誅所當先加故且觀兵旋旆復整六師長驅西征致天下誅偏將涉隴則建約梟夷於首萬里軍入散關則群氏率服王侯豪帥奔走前驅進臨漢中則陽平不守十萬之師土崩魚爛張魯遁竄

走入巴中懷恩悔過委實還降巴夷王朴胡賓  
邑侯杜濩各帥種落共舉巴郡以奉王職鉦鼓  
一動二方俱定利盡西游兵不鈍鋒若此之事  
皆上天威明社稷神武非徒人力所能立也聖  
朝寬仁覆載允信允文大啓爵命以示四方魯  
及胡濩皆享萬戶之封魯之五子各受千室之  
邑胡濩子第部曲將校爲列侯將軍以下千有  
餘人百姓安堵四民反業而建約支屬皆爲鯨  
鯢趙之妻孥焚首金城父母嬰孩覆尸許市非

國家鍾禍於彼降福於此也逆順之分不得不  
然夫擊烏先高攫鷲之勢也牧野之威孟津之  
退也今者枳棘翦扞戎夏以清萬里肅齊六師  
無事故大舉天師百萬之衆與匈奴南單于呼  
完厨及六郡烏桓丁令屠各湟中羌僰雲奮席  
卷自壽春而南又使征西將軍夏侯淵等率精  
甲五萬及武都氐羌巴漢銳卒南臨汶江檻據  
庸蜀江夏襄陽諸軍橫截淵沅以臨豫章樓船  
橫海之師直指吳會萬里冠期五道竝入權之



期命於是至矣丞相衝奉國威爲人除害元惡  
大慙必當梟夷至於被附稟從皆非詔書所特  
禽族故每破滅強敵未嘗不務在先降後誅拔  
將取才各盡其用是以立功之士莫不翹足引  
領望風響應昔袁術僭逆王誅將加則廬江太  
守劉勲先舉其旆還歸國家呂布作亂師臨下  
邳張遼侯成率衆出降還討駐固薛洪繆尚開  
城就化官渡之役則張郃高奐舉事立功後討  
袁尚則都督將軍馬延故豫州刺史陰夔射聲

校尉郭昭臨陣來降圍守鄴城則將軍蘇游反  
爲內應審配兄子開門入兵旣誅袁譚則幽州  
大將焦觸攻逐袁熙舉縣來服凡此之輩數百  
人皆忠壯果烈有智有仁悉與丞相參圖畫策  
折衝討難芟敵塞旗靜安海內豈輕舉措也哉  
誠乃天啓其心計深慮遠審邪正之津明可否  
之分勇不虛死節不苟立屈伸變化惟道所存  
故乃建直圍之功享不訾之祿朝爲讐虜夕爲  
上將所謂臨難知變轉禍爲福者也若夫說誘

耳言懷寶小惠泥滯苟且沒而不覺隨波逐流  
與燦俱滅者亦甚衆多吉凶得失豈不哀哉昔  
歲寧在漢中東西懸隔合肥遺守不滿五千權  
親以數萬之衆破敗奔走今乃欲當禦雲霓難  
以冀矣夫天道助順人道助信事上之謂義親  
親之謂仁盛孝章君也而權誅之孫輔兄也而  
權殺之賊義殘仁莫斯爲甚乃神靈之通罪下  
民所同讐辜讐之人謂之凶賊是故伊摯去夏  
不爲傷德飛廉死紂不可謂賢何者去就之道

各有室也丞相深惟江東舊德名臣多在載籍  
近魏叔吳秀出高峙著名海內虞文繡砥礪清  
節晚學好古周泰明當世儒彥德行脩明皆宜  
膺受多福保乂子孫而周盛門戶無辜被戮遺  
類流離湮沒林莽言之可爲愴然聞魏周榮虞  
仲翔各紹堂構能負折薪及吳諸顧陸舊族長  
者世有高位當報漢德顯祖揚名又諸將校孫  
權婚親皆我國家良寶利器而竝見驅逐兩絕  
於天有斧無柯何以自濟相隨顛沒不亦哀乎

蓋鳳鳴高岡以遠尉羅賢聖之德也鸛鳴之鳥  
巢於華若若折于破下愚之惑也今江東之境  
無其華若若諸賢處之信亦危矣聖朝開弘曠蕩  
重惜民命誅在一人与衆無忌故設非常之賞  
以待非常之功乃霸夫烈士奮命之良時也可  
不勉乎若能翻然大舉建立元勳以膺顯祿福  
之上也如其未能竿量大小以存易亡亦其次  
也夫繫蹄在足則猛虎絕其蹠螭蛇在手則壯  
士斷其節何則以其所全者重所棄者輕若乃

樂禍懷寧迷而忘復聞大雅之所保背先賢之  
去就忽朝陽之安井折若之木日忘一日以至  
覆沒大兵一放玉石俱碎雖欲救之亦無及已  
故今往購募爵祿科條如左檄到詳思至言如  
詔律令

版文

爲袁紹拜烏丸三王爲單于版文

遼西烏丸大人丘力居上谷烏丸大人  
鮮于氏各稱王而遼東屬國烏丸大人蘇  
僕延自稱峭王在北平烏丸大人烏延  
自稱汗魯王後丘力居死從子蹋頓代  
立總攝三王袁紹與公孫瓚連戰蹋頓  
助紹擊瓚破之紹矯制賜蹋頓難峭王  
汗魯王印綬  
皆爲單于

使持節大將軍督幽青并領冀州牧阮鄉侯紹  
承制詔遼東屬國率衆王頒下烏丸遼西率衆  
王蹋頓右北平率衆王汗盧維乃祖慕義遷善

款塞內附北捍獫狁東拒濊貊世守北陲爲百  
姓保鄣雖時侵犯王畧命將徂征厥罪率不旋  
時悔愆變敗方之外夷最又聰慧者也始有千  
夫長百夫長以相統領用能悉乃心克有勲力  
於國家稍受王侯之命自我王室多故公孫瓚  
作難殘夷厥土之君以侮天慢王是以四海之  
內竝執干戈以衛社稷三王奮氣裔土忿姦憂  
國控弦與漢兵爲表裏誠甚忠孝朝所嘉焉然  
而虎兕長蛇相隨塞路王官爵命否而無聞夫



有勲不賞俾勤者怠今遵行謁者楊林齋舉手  
璽綬車服以對爾勞其各綬部部落收以謹慎  
無使作凶作慝世後爾祀宜長爲百蠻長厥有  
咎有不臧者泯於爾祿而喪於乃庸可不免乎

設難

應議

客有譏余者云聞君子動作周旋無所不至已  
矣今王君鍾陰陽之美總賢聖之風固非世人  
所望及遭豺狼肆虐社稷隕傾既不能抗節服  
義與主存亡而背枉違難耀茲武功徒獨震撲  
由東剝落元元結疑本朝假拒羣姦使已蒙噉  
沓之謗而他人受討賊之勲捐功棄力以德取  
怨今賤文德而貴武勇任權譎而背舊章無乃

非至德之純美而有關於後人哉主人曰是何言也夫兵之設亦久矣所以威不軌而懲淫慝也夫卑鳴違父樂羊食子季友鳩兄周公戮弟猶忍而行之王事所不得已也而况將避讒慝之嫌棄社稷之難愛暫勞之民忘永康之樂此庸夫猶所不爲何有冠世之士哉昔洪水滔天汎濫中國伯禹躬之過門而不入率萬方之民致力乎溝洫及至簫韶九成百獸率舞垂拱無爲而天下宴如夫豈前好勤而後媮樂乎蓋以

彼勞求斯逸也夫世治責人以禮世亂則考人以功斯各一時之宜故有論戰陣之權於清廟之堂者狂矣陳俎豆之器於城濮之墟者則悖矣是以達人君子必相時以立功必揆宜以處事孝靈旣喪妣官放禍棟臣殘酷官室焚火主君乃芟凶族夷惡醜蕩滌朝姦清澄守職也旣乃卓爲封蛇幽鵩帝后強以暴國非力所討違而去之宜也是故天贊人和無思不至用能合師百萬若運諸掌者義也今人主以寬弘爲宇

仁義爲廬若地之載如天之燾故當其聞管籥之聲則悲民之病也見羽毛之美則懼士之勞也察稼穡之不時則推民之匱也臨臺觀之崇高則恤役之病也是以虛心恭已取人之謨闢四門廣諫路貴讜言賤巧僞慮不專行功不擅美咨事若不及求讐恐不聞用能使賢智者盡其策勇敢者竭其身故舉無遺闕而風烈宿宣也

附錄

建安諸子陳琳傳畧

明唐順之

初曹丕爲五官將及平原侯植皆好文學祭與  
北海徐幹字偉長廣陵陳琳字孔璋陳留阮瑀  
字元瑜汝南應瑒字德璉東平劉楨字公幹並  
見友善琳前爲何進主簿進欲誅諸宦官太后  
不聽進乃召四方猛將並使引兵向京城欲以  
劫恐太后琳諫進曰易稱卽鹿無虞諺有掩目  
捕雀夫微物尚不可欺以得志况國之大事其

可以詐立乎今將軍總皇威握兵要龍驤虎步  
高下在心以此行事無異於鼓洪爐以燎毛髮  
但當速發雷霆行權立斷違經合道天人順之  
而反釋其利器更徵於他大兵合聚彊者爲雄  
所謂倒持干戈授人以柄必不成功祇爲亂階  
進不納其言竟以取禍琳遭難冀州袁紹使典  
文章嘗爲緇櫟酷詆曹操袁氏敗琳歸操操謂  
曰卿昔爲本初移書但可罪狀孤而已惡惡止  
其身何乃上及父祖邪琳謝罪操愛其才而不

瑒少受學於蔡邕建安中都護曹洪欲使掌  
書記瑒終不爲屈操竝以瑒爲司空軍謀祭  
酒管記室軍國書檄多瑒所作也瑒作諸書  
及檄草成呈操操先苦頭風是日疾發卧讀瑒  
所作翕然而起曰此愈我病數加厚賜操嘗使  
瑒作書與韓遂時操適近出瑒隨從因於馬上  
具草書成呈之操擲筆欲有所定而竟不能增  
損瑒徙門下督瑒爲倉曹掾屬



報陳琳書

漢 臧 洪

洪村爲昌陵太守張超功曹守其城合  
義兵誅董卓超遣洪詣劉表言其情  
表因遣手吏張紹往見洪紹言曰紹更欲  
東歸太守曹操圍超于龜山洪請紹整  
起紹不肯超遂破滅洪怒紹絕不與通  
紹雖身圍之使洪邑人陳琳與洪書喻  
以禍福責以恩義洪答  
昔城陷見執紹殺之

隔濶相思發於寤寐幸相去步武之間耳而以  
趣舍異規不得相見其爲愴恨可爲心哉前日  
不遺比辱雅貺述叙禍福公私切至所以不卽  
奉答者旣學薄才鈍不足塞詰亦以吾子攜負

側室息肩主人家在東州僕爲仇敵以是事人  
雖披中情墮肝膽猶身疏有罪言耳見惟方首  
尾不救何能恤人且以子之才窮該典籍豈將  
關於大道不達余趣哉然猶復云云者僕以是  
知足下之言信不由衷將以救禍也必欲筭計  
長短辯謬是非是非之論言滿天下陳之更不  
明不言無所損又言傷告絕之義非吾所忍行  
也是以捐棄紙筆一無所答亦冀遙忖其心知  
其計定不復渝變也重獲來命援引古今紛紜

六紙雖欲不言焉得已哉僕小人也本因行役  
寇竊大州恩深分厚寧樂今日自還接刃每登  
城勒兵望主人之旗鼓感故友之周旋撫弦搥  
矢不覺流涕之覆面也何者自以輔佐主人無  
以爲悔主人相接過絕等倫當受任之初自謂  
寔竟大事共尊王室豈悟天子不悅本州見侵  
郡將造牖里之厄陳留克創兵之謀謀計棲遲  
喪忠孝之名杖策攜臂虧交友之分揆此二者  
與其不得已喪忠孝之名與虧交友之道輕重

殊塗親疎異畫故便收淚告絕若使主人少垂  
故人仁者側席去者克已不汲汲於離友信刑  
戮以自輔則僕抗李札之志不爲昔日之戰矣  
何以效之昔張景明親登壇叩血奉辭奔走卒  
使韓牧讓印主人得地然後但以拜章朝主賜  
爵獲傳之故旋時之間不蒙觀過之貸而受夷  
滅之禍呂奉先討卓來奔請兵不獲告去何罪  
復見斫剗瀕于死亡劉子瑱奉使踰時辭不獲  
命畏威懷親以詐求歸可謂有志忠孝無損霸

道者也然輒偃蹇墜下不察此義僕雖不敏又  
素不能原始見終視微知著竊度主人之心豈  
謂三千宜死罰當刑中哉實且欲一統山東增  
兵討讐懼戰士狐疑無以沮勸故抑廢王命以  
崇承制慕義者蒙榮待放者被戮此乃主人之  
利非游士之願也故僕鑒戒前人困窮死戰僕  
雖下愚亦嘗聞君子之言矣此實非吾心也乃  
主人招焉凡吾所以背棄國民用命此城者正  
以君子之違不適敵國故也是以獲罪主人見

攻踰時而足下更引此義以爲吾規無乃辭同  
趨異非吾子所爲休戚若哉吾聞之也義不背  
親忠不違君故東宗本州以爲親援申扶郡將  
以安社稷一舉二得以徼惠孝何以爲非而足  
下欲使吾輕本破家均君主人主人之於我也  
年爲吾兄分爲篤友道垂告去以安君親可謂  
順矣君子之言則卮脣宜致命於伍員不當號  
哭於秦庭矣苟區區於懷惠不知言平乎道理  
矣足下或者見城圍不解救兵未至感婚姻之

義隆平生之好以屈節而苟生勝守義而領覆  
也昔晏嬰不降志於白刃南史不幽筆以求生  
故身著圖象名垂後世况僕據金城之固驅士  
民之力散三年之畜以爲一年之資匡困補乏  
以悅天下何圖築室反耕哉但懼秋風揚塵伯  
珪馬首南向張揚飛燕齊力作難北鄙將告倒  
懸之急股肱奏乞歸之誠耳主人當鑒我曹輩  
反旌退師泊兵鄴垣何宜久辱盛怒暴威於吾  
城下哉足下譏吾恃黑山以爲救獨不念黃巾

陳記室集

附錄

六

之合從邪加飛燕之屬悉以受王命矣昔高祖  
以彭越於鍾野光武創基兆於綠林卒能龍飛  
中興以成帝業苟可輔主興化夫何嫌哉見僕  
親奉璽書與之從事行矣孔璋足下微利於境  
外臧洪授命於君親吾子託身于盟主臧洪策  
名於長安子謂余身死而名滅僕亦笑子生死  
而無聞焉悲哉本同而末離努力努力夫復何  
言



與陳琳書

魏陳王植

夫披翠雲以爲衣戴北斗以爲冠帶虹蜺以爲  
綽連日月以爲佩此服非其美也然而帝王不  
服者望殊於天志絕於心矣

過陳琳墓

唐溫庭筠

曾於青史見遺文  
今日飄零過古墳  
詞客有靈應識我  
繡才無主始憐君  
石麟埋沒藏春草  
銅雀荒涼對暮雲  
莫怪臨風倍惆悵  
欲將書劒學從軍

集評

孔璋章表殊健微爲

文帝與吳書

琳瑯之章表書記今之偶也

文帝與吳書

等稱征伐而出車六月之作何如陳琳武軍之

壯乎

抱朴子

琳瑯章表有譽當時孔璋稍健則其標也

文心雕龍

陳琳之檄豫州壯有骨鯁雖奸閹攜養章密太

甚發直模金誣過其虛然抗辭書爨皦然露骨

矣

文心雕龍